

夾疹狀如錦紋其中有空缺處如雲頭樣者為癩徧身無空處疎密不等者為疹

萬疹一名麻子君火所為也或曰脾經曰少陰所至

為瘍疹在入則心火主之夫心火亢甚則制已所勝

焚灼肺金肺主皮毛故疹毒見於皮膚之間如蚊蚤

所咬之狀痘瘡只出一般者善若與疹毒竝出謂之

夾疹其候極惡惟痘本稀疎而夾疹者度乎可治瘡

本稠密與疹併出彼此相混瑣碎莫辨急用辛涼之

藥發而解之如疹毒漸消瘡本磊落者亦可治也疹

痘相併毒不少減此危惡之疾孰能料其生乎瘡

出夾疹者荆防敗毒散主之疹毒消者可治如瘡收

醫後復出疹者此餘毒解散之兆不須治之

薛夫疹乃風邪外患痘爲胎毒內發二證並作臟腑俱病也二者相雜赤暈發焮痘瘡愈盛誤謂痘出太密多不可救然此乃夾疹痘也當治以人參羌活散疹毒卽解痘勢亦退其元氣虧損不能結痂當補脾胃爲急也

翁痘內夾出丹疹者不必治之當以托痘爲主痘出而疹自消矣

荆防敗毒散

柴胡

甘草

人參

桔梗

川芎

茯苓

枳殼

前胡

羌活

獨活

荆芥穗

防風

各等分

右剉細加薄荷五葉水一盞煎七分去渣溫服

人參羌活散 治時氣痘疹兼於發表

人參

羌活

獨活

柴胡

前胡

桔梗

茯苓

枳殼

川芎

天麻

甘草

地骨皮

各參

右入薄荷五葉薑水煎服

右表證多者宜之

清和飲

地骨皮

鮮者

麥門冬

去心各貳錢

生地黃

知母

貝母

橘紅

茯苓

甘草

荆芥穗

各柒分

牛蒡子

炒研壹錢半

桔梗

伍分

全瓜蒌

壹錢

右裏證多者宜之

或者加人參黃耆

白芍

白朮

茯苓

蘇合香

蘇合香

胡

蘇合香

蘇合香

蘇合香

蘇合香

蘇合香

蘇合香

蘇合香

夾痧

萬活人書云傷寒下之太早熱氣乘虛入胃發痧下
之太遲熱留胃中發痧胃爛亦發痧痧者乃熱毒鬱
遏煎熬陰血血得熱而不解浮於肌肉爲痧足陽明
胃主之痘瘡初出皮肉紅腫片片如錦紋者此夾痧
也以辛涼之藥解之其痧漸退瘡本堅實者吉否則
皮膚痧爛瘡易瘙癢所謂皮嫩易破者是也如赤痧
成塊其肉浮腫結硬者又名丹瘤其毒最酷瘡未成
就此先潰爛工不能治 夾痧痘亦用荆防敗毒散
主之痧退可治 **張**痘出而夾痧者痘毒隨臟而出

痘痧夾痧

痧

三

其毒發之勢最爲迅疾或血太過而氣不及則衛氣
疎缺不能密護脉絡而致太過之血夾毒上浮亦乘
毒出之勢而發爲癰也較前夾疹者稍爲易治如痘
起齊其內必虛癰多從內解如不解以升麻湯加歸
芍主之又有或結痂後而發者餘毒熱盛煎熬肉分
其癰必爛以消毒散出不快加歸芍防風盛則用連翹

湯痘大小便秘爛處以生肌散潰爛傅之若夾毒初出色

赤如火乃毒滯不能宣發之故以四順飲發熱利之

如大便利一二次而癰或退則血附氣位急用四君

子湯不能食加耆薑棗與服以防其損陷如不止加肉

豆蔻必止

翁用玄參升麻湯

咽候

黃芩荆芥白芍

歸芎在初多用表散在後多用解利紅瘰易退紫瘰

稍難藍瘰不可治矣

婁用白虎湯

袁痘中夾瘰

陽明受梟炎之毒盛而然丁桂之藥織毫莫可投也

張半仙用黃連解毒湯以治夾瘰之痘則失之太寒

錢氏用檳榔大黃以療痘中之瘰則失之太峻總不

如犀角地黃湯以徹內陽明之鬱毒五龍化瘰湯以

消外蚊咬之血紋內外夾攻表裏調和斯能復全矣

愚治痘裏夾瘰者極多但見形就是瘰不見痘樣

者熱毒峻烈克全者十止三四兩日而瘰見者速清

逐為尚患此者必煩躁譫語渴飲不寧劉禪師用地龍汁和犀角水投服亦心得治癩之法者矣
山梔子湯 治痘瘡及癩毒狀如蚊蚤所齧毒盛黑色者

山梔子仁

白蘚皮

赤芍藥

升麻

各壹兩

寒水石

甘草

各伍錢

右為細末每服一錢水八分紫草薄荷各少許同煎至五分去滓放溫服

袁氏方

紫草

紅花

犀角

木通

芍藥

生地黃

茯苓

甘草

蟬蛻

燈草金銀煎服

外加荆芥紫蘇木通荔枝殼鳳

凰脫升麻楊枝濃煎湯浴之

陽毒升麻湯

面赤狂言煩躁腰背疼下利脉浮喉

痛

升麻 伍錢

犀角

射干

黃芩

人參

甘草 各貳錢半

右水煎服

陰毒升麻湯

治陰癰

升麻

當歸

川椒

鼈甲

雄黃

甘草

右水煎服

夾癭

表夾癭為痰毒凝結而成也或結於項頸或結

於耳後或結於腋下大者如桃小者似李長者似瓜
短者似棗身烙煩渴勢若不啗痘三四日而癭作則
毒隨痘洩膿隨痘灌自可挽全而無害倘癭紅腫將
膿而痘隨標焉吾恐毒膿一潰元氣囂瀉痘焉能表
累充灌乎七八之期痘已黃蠟而癭作焉保護元氣
消毒祛邪竟獲綏全之慶雖潰無妨治法在乎審日

期之先後視元氣之厚薄紀男女之大小範時令之
寒暑庶幾免紊錯之愆矣瘰已紅腫而痘標焉法宜
托裏毒盛消其毒元虛補其元木通桔梗解毒而徹
關鎖惡實生地除梟而祛榮炎甘草清理諸邪蟬蛻
祛風辟毒芍藥洩諸經之鬱火荆芥散陽明之風邪
諸藥缺一不可也 痘起遂發瘰治以補托爲苓連
之藥不可用耗燥之劑不宜投消痰解毒爲尚 痘
標而瘰破流膿出血自致元氣虛虧大用黃耆衛元
湯可也人參黃耆川歸紅花桔梗芍藥甘草防風煎
服 痘兩三日而瘰毒仍作急用三消散半夏川歸

茯苓甘草木通紅花生地芍藥牛蒡子天花粉蟬蛻
燈草煎服 痘七八日充灌而癭作宜服冲和飲子
人參黃耆麥門柴胡防風荆芥芍藥茯苓炒白朮桔
梗連翹當歸瓜蒌根頻進四服自愈矣 歌曰木通
生地併黃耆桔梗當歸芍藥俱大力蟬蛻兼甘草白
茯苓蠶効實奇上焦加味升麻引貝母門冬不可遺
下焦牛膝相資助緊覓山姑倍用之熱多荆芥隨多
少疼極還尋白芷醫 愚按方治證須驗時日若頭
面盡腫而癭腫則諸痘決不能鼎峻多致損傷

夾丹

表痘裏發丹內熱之極而然也不宜遽用極寒

透裏之劑若標兩三日竟以化癍湯徐徐浴之內服
生地牛蒡子芍藥甘草木通荆芥穗其毒自消矣若
用豬膽京墨冰片塗之竟雜其害慎之頭面項頸倘
如蛇纏硬腫火燒疼痛梟毒蝮於上宜用妙黃連紫
草車前子梔子等藥 余治痘丹準前藥加減單用
露桃花貳錢卽丹收痘朗若腫疼須加柴胡羌活生
地芍藥倍之有用鳳尾草獨煎湯飲豈知山蕨卽鳳
尾草名也性極寒而沉走恐傷於痘不可輕用
夾瘡湯 痘裏夾瘡痘迎瘡見隙而盤據愈加多密
灸痘起氣虛風癢自作宜用紫蘇荆芥湯浴之隨用

芍藥生地防風黃耆白朮殭蠶甘草蟬蛻等藥服之
可也若男女種患楊梅惡瘡痛不可忍而痘適標其
間李少陽用蝸牛丹以治但香油皂子仁不可輕用
若患肥疔瘡如松香輕粉飛丹雄黃皆不可塗也
歌曰黃耆芍藥直殭蠶生地防風白朮聯甘草紅花
牛蒡子酒煎來服効難言若是楊梅瘡破爛牛黃上
茯苓加焉痛極乳香些少助自然瘡可痘安痊 余
歷驗小兒痘種於瘡瘍中痘雖美麗勢必臬癢若不
按法製湯以浴痘躄聚於瘡隙奚克鼎峻升頭陀專
以香馬蘭藤煎湯浴火瘡湯之痘允得鎮痘之妙但

香馬蘭有三種分別青紅白根浮上紅者甚佳採用
則可治法升麻黃耆爲君芍藥生地爲臣羌活防風
爲佐甘草蟬蛻爲使此準格也

灸損傷

表痘標一兩日或致撲跌或犯金石所傷則

脾脉虧損而血氣走散痘終受其阻厄李少陽用孩
骨胡桃酒以治則失之峻利况胡桃又作瀉之物用
之不宜王近川用歸尾桃仁湯以治則失之狂妄痘
中豈宜破敗其血者耶準依劉半塘拱元散人參黃
耆當歸紅花伏鳳雛蟬蛻防風芍藥甘草以補托其
內用文蛤棕灰盪於傷處以收斂其外可也若損而

不破者用蝦蟆皮貼之徐徐以手摩撫若是湯潑火
烙者不宜敷以生冷之藥以凝滯其痘也 歌曰損
傷須覓伏鳳雛土鼈參耆蟬蛻馳橘紅甘草當歸合
再入紅花防地俱 昔黃舍人次子十三歲患痘兩
朝上樓失足損傷頭額致血淋漓父母痛哭以爲痘
中損傷必不能生矣請予視治卽將前方倍下參耆
歸地連進四服而痘遂鼎灌身帶不寧加茯神桂心
外單用棕灰敷之不半月而自靨脫全美但痛甚者
少加乳香若外傷重痕濶弗克收痂用白芨白歛象
皮末摻之自痊

痘疔

諸痘中有獨大者或黑或白其根結硬卽是痘疔如疔瘡樣直抵筋骨官挑破以四

聖散點之凡黑陷中有微尖頂如苦楮樣者疔也無此狀者謂之黑陷非疔也

萬痘疔者熱毒畜積氣血腐壞而成也狀有數種乃

疫毒之氣最爲惡候宜謹察之有肌肉微腫狀如堆

粟不分顆粒者此氣滯血凝毒氣鬱結也有初出紅

點漸變黑色其硬如石者此肌肉已敗氣血中虛不

能載毒而出反致陷伏也有中心黑陷四畔突起戴

漿者此血隨毒走氣不爲用也有中心戴漿四畔乾

陷焦黑者此氣附毒出血不爲使也有頭戴白漿白

破潰爛者此氣血不充皮膚敗壞也有爲水泡溶溶